

ՎԵՆԵՏԻԿԻ ՀԱՄԱԼՍԱՐԱՆԻ ՀԱՅ ԼԵԶՈՒԻ ԵՒ
ՄՇԱԿՈՑԹԻ ԱՄԱՌՆԱՅԻՆ ԽՏԱՑԵԱԼ
ԴԱՍԸՆԹԱՑՔԸ ԿԸ ԲՈԼՈՐԷ ՔՍԱՆՀԻՆԳ ՏԱՐԻ
(1986-2010)

Մամլոյ Հաղորդագրութիւն

Վենետիկի Կա Ֆոսկարի Համալսարանի Հայ Լեզուի և Մշակոյթի ամառնային խտացեալ դասընթացքը որ, 1986-ի Օգոստոսէն սկսեալ, կը կրկնուի ամէն տարի առանց ընդմիջումի, կազմակերպութեամբ Պո-Արաքս Մշակութային Միութեան, կը բոլորէ այս տարի իր 25-ամեակը: Ծրագրուած է ակադեմական և գեղարուեստական մասնաւոր հանդիսութիւններով ոգեկոչել այս բարեբաստիկ տարեդարձը 13-15 Օգոստոսին:

Կը խորհինք որ սոյն ոգեկոչումը պատեհ և հաճելի առիթը պիտի ընծայէ շատերու հանդիպելու և վերհանդիպելու վենետկեան կախարդիչ մթնոլորտին մէջ: Մեծապէս ողջունելի պիտի ըլլայ մանաւանդ ներկայութիւնը դասընթացքի մասնակցած նախկին սաներու, ուսուցչական և դասախօսական կազմին մաս կազմած անձերու, բարերարներու, քաջալերողներու, բարեկամներու, համակիրներու և մամուլի:

Ամէն տեսակի ծախսեր կը պատկանին մասնակցողներուն: Կազմակերպութիւնը ապահոված է համալսարանական կառոյցներու մօտ կեցութեան և սնունդի առաւել նպաստաւոր պայմաններ, ստորեւ նշուած սակերով: Տեղ ապահովելու համար, բաւ է մտնել հետեւեալ կայքին մէջ ու հետեւիլ ցուցմունքներուն www.esuvenezia.it

Կարելի է նաեւ դիմել հետեւեալ հասցէին՝ info@padus-araxes.com կամ daniela@padus-araxes.com և խնդրել տեղոյ ապահովում հետեւալ պայմաններով.

- Ա. Լոգարանով սենեակ, առանձին 50 €, երկու հոգինոց մարդ գլուխ 40 €:
- Բ. Առանց լոգարանի սենեակ, առանձին 40 €, երկու հոգինոց մարդ գլուխ 30 €:
- Գ. Ճաշեր Համալսարանի սեղանատան մէջ իւրաքանչիւր ճաշ՝ 8 €:

Նկատի առած որ տեղերը սահմանափակ են ու եղանակը զբօսաշրջային, յանձնարարելի է որ, ըստ կարելոյն շուտով կատարեն դիմումները, յատկապէս նշելով յստակօրէն ժամանումի և մեկնումի օրերն ու ժամերը, անոնք որ կը փափաքին օգտուիլ Պո-Արաքսի օժանդակութենէն:

Դիմումին հետ պէտք է յստակօրէն նշել նաեւ ԱՆՈՒՆ, ՄԱԿԱՆՈՒՆ, ՀԱՍՑԷ, ՀԵՌԱԽՕՍ, ՀԵՌԱՊՍՏՃԷՆ (Ֆաքս), ԷԼԵԿՏՐՈՆԱՅԻՆ ՓՈՍՏ (E-M), ՄԵՆԵԱԿԻ ՏԵՍԱԿԸ (առանձին կամ երկու հոգինոց) և 150 Եւրոյի կանխավճար մը, միջազգային չէքով կամ փոստային փոխազրով (money order, mandat-poste) կամ դրամանատնային փոխանցումով հասցեագրուած ASSOCIAZIONE PADUS-ARAXES:

ԴԻՒԱՆ

ՊՈ-ԱՐԱՔՍ ՄՇԱԿՈՒԹԱՅԻՆ ՄԻՈՒԹԵԱՆ